

Budućem nositelju odobrenja za privatnu praksu, odnosno budućem osnivaču apoteke na lokacije utvrđene u tački II Odluke o slobodnim lokacijama se može izdati samo jedna prethodna saglasnost.

V

Ova odluka stupa na snagu danom donošenja i bit će objavljena u "Službenim novinama Kantona Sarajevo" i na web stranici Ministarstva zdravstva.

#### Obrazloženje

U skladu sa članom 6. Pravilnika o bližim uvjetima u pogledu prostora, opreme i kadra, kriterijima za osnivanje i obavljanje apotekarske djelatnosti u svim organizacionim oblicima, kao i načinu i postupku njihove verifikacije ("Službene novine Federacije BiH", br. 44/12, 23/13 i 27/14), kantonalno ministarstvo zdravstva, određuje slobodne lokacije na kojima će se osnivati apoteke. Pored demografskih i geografskih kriterija utvrđenih u članu 3. i 4. pomenutog Pravilnika, Ministarstvo zdravstva je cijeno potrebe lokalnih zajednica za apotekarskom službom sa aspekta potreba stanovništva uzimajući u obzir ukupan broj stanovnika tog lokaliteta i postojeći broj apoteka, te saobračajnu povezanost apoteke i dostupnost stanovništvu.

Prilikom dodjele prethodne saglasnosti budućim nositeljima odobrenja za privatnu praksu, odnosno budućim osnivačima apoteka, Ministarstvo zdravstva će naročito cijeliti položaj apoteke, odnosno udaljenost apoteke u odnosu na ambulantu, dostupnost stanovništvu buduće apoteke sa aspekta radnog vremena, garanciju o pružanju usluga najmanje 5 godina bez prava prenosa osnivačko vlasničkih prava na druga pravna i fizička lica, udaljenost od najbliže postojeće apoteke a koja ne može biti manja od 400 m cestovne udaljenosti kao i zapošljavanje lica koja se vode na evidenciji JU Služba za zapošljavanje Kantona Sarajevo. Ukoliko osnivač budućeg ogranka apoteke već posjeduje PZU na području Federacije BiH/BiH i/ili je pružao farmaceutsku uslugu na području Bosne i Hercegovine/Federacije BiH, Ministarstvo zdravstva će cijeliti dosadašnje iskustvo, odnosno zadovoljstvo korisnika uslugama, najmanje za dvije posljednje godine rada apoteke, posebno od dobavljača i Zavoda zdravstvenog osiguranja Kantona Sarajevo.

Ukoliko na istoj lokaciji bude više zaprimljenih zahtjeva budućih nositelja odobrenja za privatnu praksu, odnosno budućih osnivača apoteka koji ispunjavaju sve kriterije, ministarstvo će odlučivati prema redoslijedu kojim su podneseni prethodni zahtjevi.

Imajući u vidu naprijed navedeno odlučeno je kao u dispozitivu ove Odluke.

Broj 10-05-9626/16  
23. marta 2016. godine  
Sarajevo

Ministrica  
**Zilha Ademaj, s. r.**

#### Ured za zakonodavstvo Vlade Kantona Sarajevo

Na osnovu člana 6. Uredbe o izmjenama i dopunama Uredbe o evidenciji imovine Kantona Sarajevo ("Službene novine Kantona Sarajevo", broj 2/16) i člana 4. stav 1. Uredbe o Uredu za zakonodavstvo Vlade Kantona Sarajevo ("Službene novine Kantona Sarajevo", broj 7/06 - Prečišćeni tekst), Ured za zakonodavstvo Vlade Kantona Sarajevo utvrdio je Prečišćeni tekst Uredbe o evidenciji imovine Kantona Sarajevo.

Prečišćeni tekst Uredbe o evidenciji imovine Kantona Sarajevo obuhvata: Uredbu o evidenciji imovine Kantona

Sarajevo ("Službene novine Kantona Sarajevo", broj 23/97), Uredbu o izmjenama Uredbe o evidenciji imovine Kantona Sarajevo ("Službene novine Kantona Sarajevo broj 5/02), Uredbu o izmjenama Uredbe o evidenciji imovine Kantona Sarajevo ("Službene novine Kantona Sarajevo", broj 2/13) i Uredbu o izmjenama i dopunama Uredbe o evidenciji imovine Kantona Sarajevo ("Službene novine Kantona Sarajevo", broj 2/16), u kojima je označen dan njihovog stupanja na snagu.

Sekretar

Broj 09-02-3890/16  
22. marta 2016. godine  
Sarajevo

Ureda za zakonodavstvo  
Vlade Kantona Sarajevo  
**Ahmed Ljubović, s. r.**

#### UREDBA

#### O EVIDENCIJI IMOVINE KANTONA SARAJEVO

##### (Prečišćeni tekst)

##### Član 1.

Ovom uredbom uređuje se način evidentiranja imovine Kantona Sarajevo (u daljem tekstu: imovina) utvrđene Zakonom o imovini Kantona Sarajevo i određuju organi koji vrše evidentiranje.

##### Član 2.

Evidenciju imovine vrše pravna lica i drugi organi kojima je povjereno korištenje imovine Kantona iz čl. 3., 5., 6. i 7. Zakona o imovini Kantona Sarajevo (u daljem tekstu: subjekti).

Na osnovu evidencije imovine iz prethodnog stava, vodi se jedinstvena evidencija imovine Kantona po subjektima u Upravi za geodetske i imovinsko pravne poslove u sastavu Ministarstva prostornog uređenja, građenja i zaštite okoliša Kantona Sarajevo (u daljem tekstu: Uprava).

##### Član 3.

Evidencija imovine vrši se odvojeno za nepokretnu i pokretnu imovinu.

##### Član 4.

Subjekti su dužni identifikovati i uspostaviti evidenciju nepokretne imovine (u daljem tekstu: nekretnine), sa naznačenim aktom na osnovu kojeg upravljaju tom imovinom i odgovarajućom dokumentacijom (zemljišno knjižni izvadak, posjednički list, akt o osnivanju, ugovor o kupovini, donaciji, zamjeni, izgradnji i druge isprave potrebne za utvrđivanje prava upravljanja na nekretninama).

Subjekti vode evidenciju pokretne imovine (stvari i novčana sredstva), po važećim propisima i standardima (finansijske i računovodstvene evidencije).

##### Član 5.

Nakon prijema podataka o identifikovanoj nepokretnoj imovini od strane pravnih subjekata, Uprava u saradnji sa Pravobranilaštvom Kantona Sarajevo, obavlja sve pripremne radnje u cilju upisa prava na imovinu u Zemljišnim knjigama nadležnog suda u Sarajevu u korist Kantona Sarajevo, odnosno obavlja i ostale pravne radnje u cilju usklađivanja stanja katastra nadležne općine sa stanjem u zemljišnim knjigama.

##### Član 6.

Vlada Kantona Sarajevo će u roku od 30 dana od dana stupanja na snagu ove Uredbe imenovati stalnu Komisiju za implementaciju Uredbe o evidenciji imovine sastavljenu od pet članova. Zadatak Komisije je učešće u uspostavi i ažuriranju registra nekretnina; stručna analiza unesenih podataka; stručna

analiza novopristiglih podataka i utvrđivanje mjera za upis titulara na nekretninama u korist Kantona Sarajevo.

Nakon imenovanja Komisije, stavlja se van snage Rješenje Vlade Kantona Sarajevo broj: 02-05-31299-9/13 od 12.12.2013. godine.

Član 7.

Obrazac za vođenje jedinstvene evidencije imovine utvrđuje Uprava, i isti podliježe eventualnim promjenama ukoliko se u toku evidencije imovine ukaže potreba za evidentiranje podataka koji nisu predviđeni izrađenim obrascem.

Navedeni obrazac se može izmijeniti uz prethodnu suglasnost Ministra prostornog uređenja, građenja i zaštite okoliša Kantona Sarajevo.

Član 8.

Svi subjekti su dužni uspostaviti evidenciju imovine u roku od 60 dana od dana donošenja ove uredbe i dostaviti je nadležnim ministarstvima Kantona Sarajevo.

Nadležna ministarstva Kantona Sarajevo, nakon provjere dostavljene evidencije imovine, evidenciju dostavljaju Upravi, radi uspostavljanja jedinstvene evidencije imovine.

Član 9.

Svaka promjena na nekretninama i pokretnoj imovini (raspolaganje, uništenje, amortizacija, povećanje vrijednosti i dr.) mora se evidentirati, u skladu s odredbama ove uredbe.

**OPĆINA CENTAR SARAJEVO**

**Općinsko vijeće**

Na osnovu člana 13. stav 2. Zakona o principima lokalne samouprave u Federaciji Bosne i Hercegovine ("Službene novine Federacije BiH", br. 49/06 i 51/09), člana 10. i 68. Statuta Općine Centar Sarajevo - Prečišćen tekst ("Službene novine Kantona Sarajevo", br. 23/04), Općinsko vijeće Centar Sarajevo je, na Četrdeset petoj redovnoj sjednici, održanoj dana 15.03.2016. godine, donijelo

**ODLUKU**

**O PRIHVATANJU PONUDE "SARAJEVO - OSIGURANJA" D.D. O VISINI ODŠTETE NA OSIGURANOJ IMOVINI OPĆINE CENTAR SARAJEVO**

1. Prihvata se Prijedlog odluke o prihvatanju ponude "Sarajevo - Osiguranja" d.d. Sarajevo o visini odštete na osiguranoj imovini odštete Općine Centar br. 37/2014 36/2014 (1) od 15.02.2016. u novčanom iznosu od 2.005.936,79 KM.
2. Prihvata se prijedlog "Sarajevo - Osiguranja" d.d. Sarajevo da novčani iznos iz tačke 1. ove Odluke isplati Općini Centar u mjesečnim ratama od 100.000,00 KM počevši od 04.04.2016. godine.

3. Prihvata se prijedlog da se u sporazumu Općine Centar Sarajevo i "Sarajevo - Osiguranja" d.d. Sarajevo o isplati odštete Općini Centar u iznosu utvrđenom u tački 1. ove Odluke unese i klauzula kojom će se osiguranik - Općina Centar obavezati da vrati ukupno isplaćen iznos odštete ukoliko se naknadno eventualno utvrdi da osiguravač - "Sarajevo - Osiguranje" d.d. nije bio u obavezi da naknadi štetu osiguraniku zbog isključenja obaveze koju predviđaju uslovi osiguranja.
4. Ovlašćuje se Općinski načelnik da, u skladu tačkama 1., 2. i 3. ove Odluke, u ime Općine Centar Sarajevo zaključi pisani sporazum sa "Sarajevo - Osiguranjem" d.d.
5. Ova Odluka stupa na snagu narednog dana od dana objavljivanja na oglasnoj ploči Općine Centar Sarajevo, a naknadno će se objaviti u "Službenim novinama Kantona Sarajevo".

Broj 01-49-511/16  
15. marta 2016. godine  
Sarajevo

Predsjedavajući/po OV  
broj 01-49-1137/14  
Doc. dr. **Nedžad Ajnadžić**, s. r.

Ova odluka je objavljena na oglasnoj ploči Općine Centar dana 22.03.2016. godine

**OPĆINA NOVI GRAD SARAJEVO**

**Općinsko vijeće**

Na osnovu člana 46. Zakona o prostornom uređenju ("Službene novine Kantona Sarajevo", br. 7/05), i člana 37. Statuta Općine Novi Grad Sarajevo ("Službene novine Kantona Sarajevo", br. 30/09 - Prečišćeni tekst) Općinski načelnik, dana 23.03.2016. godine, verificovao je i donio

**ODLUKU**

**O KOREKCIJI IZMJENA I DOPUNA REGULACIONOG PLANA "DOBRINJA"**

**(PREPARCELACIJA PLANIRANIH GRAĐEVINSKIH PARCELA 137; 138; 139; 140 I 141)**

Član 1.

Utvrđuje se Korekcija Izmjena i dopuna Regulacionog plana "Dobrinja" ("Službene novine Kantona Sarajevo", broj 35/06), u daljem tekstu: Korekcija Plana.

Član 2.

Korekcijom Plana utvrđeni su planski preduvjeti za planiranje stambenog objekta kolektivnog stanovanja na

zemljištu označenom kao k.č. br. 2540/1; 2539/1 i 2540/15 KO Dobrinja prema novom premjeru (katastarski operat), a koje se nalazi u okviru planiranih građevinskih parcela označenih brojem 137; 138; 139; 140 i 141,

Član 3.

Korekcijom Plana izvršena je preparcelacija građevinskih parcela označenih brojevima 137; 138; 139; 140 i 141 u građevinsku parcelu 1.18.

- Građevinska parcela 1.18 obuhvata zemljište označeno kao k.č. br. 2540/1; 2539/1 KO Dobrinja prema novom premjeru (katastarski operat).

Član 4.

Izradom ove korekcije došlo je do objedinjavanja pet građevinskih parcela 137; 138; 139; 140 i 141 u jednu građevinsku parcelu 1.18.

Član 5.

Izradom ove korekcije došlo je do promjene regulacione linije na južnoj strani kao i povećanja planirane građevinske parcele 1.18., a što je prikazano na grafičkom prilogu 2 i 3.